

ქ. თბილისი

20 ნოემბერი 2017 წ.

ერთი მხრივ საქართველოს შინაგან საქმეთა სამინისტრო, (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176 (შემდგომში „შემსყიდველი“) საქართველოს შინაგან საქმეთა მინისტრის N268; 25.05.2016წ. და N2779998; 17.11.2017წ. ბრძანების საფუძველზე წარმოდგენილი შსს ეკონომიკური დეპარტამენტის დირექტორის თია მელაძის სახით და მეორეს მხრივ შპს „YOUR CENTER“ (მის: ქ. თბილისი, სოფ. დიდომი; ტელ: 577 73 75 78. ელ-ფოსტა: your883@yahoo.com; საბანკო რეკვიზიტები: სს „საქართველოს ბანკი“, ბანკის კოდი: BAGAGE22; ანგ. ანგარიში: GE96BG000000487452600 ს/კ 404965935) (შემდგომში „მიმწოდებელი“) წარმოდგენილი დირექტორის პაატა ჯანაშვილის სახით საქართველოში მოქმედი კანონმდებლობის შესაბამისად და მათი გათვალისწინებით, ვთანხმდებით სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

1. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 1.1. ხელშეკრულების (შესყიდვის) ობიექტია: შსს ბალანზე რიცხული, დანართი №1-ით განსაზღვრული სხვადასხვა მარკისა და მოდელის მიკროავტობუსების, მაღალი გამავლობის, სატვირთო და სპეციალიზირებული ავტოსატრანსპორტო საშუალებების ტექნიკური მომსახურება დანართი N2-ით (პრეისკურანტი) გათვალისწინებული სათადარიგო ნაწილების/საცხებ-საპოხი მასალების გამოყენებით.
- 1.2. შესყიდვის საშუალება: ელექტრონული ტენდერი SPA170013873
- 1.3. ხელშეკრულების ღირებულება შეადგენს 100000 (ასი ათასი) ლარს, შესყიდვის ობიექტის მიწოდებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადის ჩათვლით. ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს. ამასთან პრეისკურანტის ღირებულება შეადგენს 4356573.74 ლარს.
- 1.4. კლასიფიკატორის კოდი - 50100000 - სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებები.
- 1.5. ხელშეკრულება ძალაშია ხელშეკრულების გაფორმებიდან 2018 წლის 31 იანვრის ჩათვლით, მაგრამ არანაკლებ მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.
- 1.6. დაფინანსების წყარო: 2017 წლის სახელმწიფო ბიუჯეტი.

2. გამოყენებული ტერმინების განმარტებები

- 2.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:
 - 2.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") -შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
 - 2.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
 - 2.1.3. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;
 - 2.1.4. "მიმწოდებელი" ნიშნავს პირს, რომელიც ახორციელებს მომსახურების გაწევას სახელმწიფო შესყიდვის შესახებ წინამდებარე ხელშეკრულების ფარგლებში;
 - 2.1.5. "დღე", "კვირა", "თვე" ნიშნავს კალენდარულ დღეს, კვირას, თვეს.
 - 2.1.6. „ტექნიკური დოკუმენტაცია“ - მიმწოდებლის მიერ SPA170013873 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია (მათ შორის დაზუსტებული ტექნიკური დოკუმენტაცია), რომელიც ერთვის ხელშეკრულებას, როგორც მისი განუყოფელი ნაწილი.
- 2.2. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

3. ხელშეკრულების თანმდევი დოკუმენტები:

3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

ა) შს სამინისტროს ბალანზე რიცხული, სხვადასხვა მარკისა და მოდელის მიკროავტობუსების, მაღალი გამავლობის, სატვირთო და სპეციალიზირებული ავტოსატრანსპორტო საშუალებების ჩამონათვალი - დანართი №1

ბ) ავტოსატრანსპორტო საშუალებების ტექნიკური მომსახურების გაწევის ტექნიკური სპეციფიკაცია და განფასების ცხრილი (პრეისკურანტი) - დანართი N2;

გ) SPA170013873 ელექტრონული ტენდერის სატენდერო დოკუმენტაცია და ამ ტენდერში მიმწოდებლის მიერ სატენდერო წინადადებით წარმოდგენილი ტექნიკური დოკუმენტაცია (მათ შორის დაზუსტებული ტექნიკური დოკუმენტაცია და თანმხლები დოკუმენტები).

4. მიწოდების ვადები და ადგილი

4.1. დანართი №1-ით განსაზღვრული ავტოსატრანსპორტო საშუალების ტექნიკური მომსახურების გაწევა უნდა განხორციელდეს წინამდებარე ხელშეკრულების დანართი N2-ით გათვალისწინებული პირობების შესაბამისად ქ. თბილისში და რეგიონებში (ქ. ქუთაისი, ქ. გორი, ქ. ზუგდიდი და ქ. ფოთი) არსებულ სერვის ცენტრ(ებ)ში. მიმწოდებელმა, შემსყიდველის მოთხოვნიდან არაუგვიანეს მომდევნო კალენდარული დღისა უნდა ჩაატაროს ავტომობილების დათვალიერება და წარუდგინოს შესყიდველს დეფექტური აქტი ხელმოსაწერად, რომელშიც აღნიშნული იქნება გასაწევი მომსახურების ან/და ასეთი მომსახურებისათვის საჭირო საქონლის/სათადარიგო ნაწილების დეტალური აღწერა, ღირებულება და მომსახურების გაწევის ვადა:

4.1.1. სავალი ნაწილებისათვის 2 კალენდარულ დღეს;

4.1.2. ელექტრობისათვის 3 კალენდარულ დღეს;

4.1.3. აგრეგატებისათვის 8 კალენდარულ დღეს;

4.1.4. სათუნუქე სამღებრო სამუშაოებისათვის 10 კალენდარულ დღეს;

4.1.5. ხანგრძლივი მომსახურების (ძრავის, სიჩქარეთა კოლოფის) გაწევის დრო 15 კალენდარულ დღეს;

4.1.6. დეფიციტური სათადარიგო ნაწილებით უზრუნველყოფისას 20 კალენდარულ დღეს;

4.1.7. სხვა დანარჩენ შემთხვევებში შემსყიდველის მიერ მითითებულ გონივრულ ვადებს.

4.2. ქ. თბილისში და რეგიონებში არსებული სერვის ცენტრ(ებ)ის ვიდეოკამერებით აღჭურვა უნდა მოხდეს ხელშეკრულების გაფორმებიდან არაუგვიანეს 15 სამუშაო დღის განმავლობაში. რომლებიც საშუალებას უნდა აძლევდეს შემსყიდველს რეალურ დროში დააკვირდეს მუშაობის პროცესს (კამერების ხედვის არეალში მოქცეული იქნება ყველა „ბოქსი“, სადაც მოხდება ავტომობილების შეკეთება).

5. მხარეთა ვალდებულებები

5.1. მიმწოდებელი ვალდებულია:

5.1.1. გაუწიოს შემსყიდველს წინამდებარე ხელშეკრულების დანართი N2-ით გათვალისწინებული პირობებით მომსახურება ხელშეკრულების გაფორმებიდან 2017 წლის 31 დეკემბრის ჩათვლით, ხელშეკრულების მე-4 მუხლით განსაზღვრულ ვადებში. ამასთან, მომსახურების გაწევა უნდა განხორციელოს, მოქმედი ყველა საჭირო ნორმების, სტანდარტებისა და წესების მოთხოვნების დაცვით.

5.1.2. შემსყიდველის ავტომანქანის მომსახურებას მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას.

5.1.3. ავტომობილების მომსახურება განახორციელოს დეფექტურ აქტში მოცემულ მხოლოდ იმ პოზიციებზე, რომლებზეც იქნება შემსყიდველის თანხმობა.

5.1.4. მომსახურების დასრულებისთანავე გადასცეს შემსყიდველს ავტომანქანა.

5.2. შემსყიდველი ვალდებულია:

5.2.1. აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

6. გარანტია და უხარისხოდ გაწეული მომსახურება

6.1. მიმწოდებელი გაწეული მომსახურების ხარისხი უნდა შეესაბამებოდეს დადგენილ სტანდარტებს და წინამდებარე ხელშეკრულებით განსაზღვრულ მოთხოვნებს.

6.2. ექსპლუატაციის პირობების დაცვის შემთხვევაში (თუ არ აღინიშნება გარეგანი მექანიკური ზემოქმედებით გამოწვეული დაზიანება) გარანტია მიმწოდებლის მიერ გაწეულ მომსახურებაზე ან/და ამ ხელშეკრულებით გათვალისწინებული მომსახურების გაწევის დროს გამოყენებულ სათადარიგო ნაწილებზე (გარდა სწრაფგვეთადი სათადარიგო ნაწილებისა) ვრცელდება გაწეულ მომსახურებაზე შესაბამისი მიღება-ჩაბარების აქტის გაფორმებიდან 1 (ერთი) წელი (თუ პრეისკურანტში არ არის მითითებული განსხვავებული ვადები და გარბენი).

6.3. მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 5 კალენდარული დღის ვადაში განახორციელოს უზარისხოდ გაწეული მომსახურების წუნის გამოსწორება და შეუსაბამოს ხელშეკრულებით გათვალისწინებულ მოთხოვნებს, შემსყიდველის მხრიდან დამატებითი დანახარჯების გაწევის გარეშე;

6.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

7. ხელშეკრულების პირობების ინსპექტირება და შესრულების კონტროლი

7.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ, შსს ლოჯისტიკის დეპარტამენტის ტრანსპორტის სამმართველოს ექსპლუატაციის და ტექნიკური უზრუნველყოფის სამსახურის უფროსი მამუკა ქარენაშვილი და შსს განსაკუთრებულ დავალებათა დეპარტამენტის შტაბის (მთავარი სამმართველო) G-4 სამმართველოს (ლოჯისტიკა) უზრუნველყოფის სამსახურის ტრანსპორტის განყოფილების უფროსი დავით ბიძინაშვილი.

7.2. კონტროლს განახორციელებელი შესაბამისი უფლებამოსილი პირ(ებ)ის (ინსპექტირების ჯგუფის) ფუნქციას:

7.2.1. დაადგინოს გაწეული მომსახურების და შეცვლილი სათადარიგო ნაწილის ხარისხის ხელშეკრულების მოთხოვნებთან შესაბამისობა.

7.2.2. დაადგინოს მომსახურების გაწევისა და სათადარიგო ნაწილის შეცვლის ვადების ხელშეკრულების მოთხოვნებთან შესაბამისობა.

7.2.3. პერიოდულად შეამოწმოს, მიმწოდებლის მიერ სერვის ცენტრებში დაყენებული ვიდეოკამერების ფუნქციონირების შესაბამისობა ხელშეკრულების მოთხოვნებთან.

7.2.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში შესაბამისი სამსახურის ინფორმირება.

7.2.5. წინამდებარე ხელშეკრულებით განსაზღვრული საგარანტიო ვადების მონიტორინგი და ადმინისტრირება.

7.3. ინსპექტირების ჯგუფი გაწეული მომსახურების ინსპექტირებას ახდენს სისტემატიურად, საკუთარი შეხედულებისამებრ.

7.4. კონტროლი ხორციელდება როგორც შუალედური ფორმით-მომსახურების გაწევის პროცესში, ისე მისი დამთავრების შემდგომ, მიღება-ჩაბარებისას.

7.5. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

7.6. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

8. შესყიდვის ობიექტის მიღება-ჩაბარების წესი

8.1. წინამდებარე ხელშეკრულების მე-4 და მე-5 მუხლებით განსაზღვრული გასაწევი მომსახურების ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

8.2. ამ ხელშეკრულების მიზნებისათვის მიწოდებად არ ითვლება უზარისხო (წუნდებული) ან ხელშეკრულებით გათვალისწინებულ მოთხოვნებთან შეუსაბამო მომსახურების გაწევა. ასეთ შემთხვევაში აღნიშნულზე მიღება-ჩაბარების აქტი არ ფორმდება.

8.3. ხელშეკრულების მე-4 და მე-5 მუხლებით განსაზღვრული მომსახურების მიღება-ჩაბარებას ახორციელებენ სათანადოდ უფლებამოსილი პირ(ებ)ი - კერძოდ, შსს ლოჯისტიკის დეპარტამენტის ტრანსპორტის სამმართველოს ექსპლუატაციის და ტექნიკური უზრუნველყოფის სამსახურის და შსს განსაკუთრებულ დავალებათა დეპარტამენტის შტაბის (მთავარი სამმართველო) G-4 სამმართველოს (ლოჯისტიკა) უზრუნველყოფის სამსახურის ტრანსპორტის განყოფილების შესაბამისი უფლებამოსილი პირ(ებ)ი.

8.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

9. ანგარიშსწორება

9.1. შემსყიდველი ვალდებულია აანაზღაუროს გაწეული მომსახურების ღირებულება ხელშეკრულებით გათვალისწინებულ ვადაში და პირობებით.

9.2. ანგარიშსწორების ფორმა იქნება უნაღდო.

9.3. ანგარიშსწორება მოხდება ლარებში;

9.4. ანგარიშსწორება შემსყიდველის მიერ მოხდება ეტაპობრივად, ფაქტობრივად გაწეული მომსახურების მიხედვით. საბოლოო მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 20 კალენდარული დღის ვადაში;

9.5. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

9.6. თუ შემსყიდველის მიერ ხელშეკრულებით განსაზღვრული ფაქტობრივად გაწეული მომსახურების ღირებულებამ არ შეადგინა წინამდებარე ხელშეკრულებით გათვალისწინებული სრული თანხა, შემსყიდველი გადაუხდის მიმწოდებელს ფაქტიურად გაწეული მომსახურების ღირებულებას. აღნიშნულიდან გამომდინარე, მიმწოდებელი კარგავს განსახორციელებელი მომსახურების ანაზღაურების მოთხოვნის უფლებას.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა გათვალისწინებით.

10.4. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.5. ხელშეკრულების ღირებულების შემცირება დასაშვებია ფაქტობრივად გაწეული მომსახურების ღირებულების გათვალისწინებით.

10.6. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

11. ხელშეკრულების პირობების შეუსრულებლობა

11.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

11.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

11.3. თუ მიმწოდებელი ხელშეკრულების მე-4 და მე-5 მუხლებით გათვალისწინებული მომსახურების გაწევის პირობებს ვერ შეასრულებს ან/და დაარღვევს კეთილსინდისიერების პრინციპს შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 10%-ის ოდენობით ან

ბ) ხელშეკრულების მე-4 მუხლით განსაზღვრული მომსახურების გაწევის ვადების გადაცილების, მათ შორის სერვისცენტრების ვიდეოკამერებით აღჭურვის ვადების დარღვევის შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ყოველ ვადაგადაცილებულ დღეზე დააკისროს პირგასამტეხლო ყოველ კონკრეტულ შემთხვევაში 100 ლარის ოდენობით.

11.4. თუ კი წინამდებარე ხელშეკრულების 11.3. პუნქტის „ბ“ ქვეპუნქტით გათვალისწინებული პირგასამტეხლოს ოდენობა მიაღწევს ხელშეკრულების საერთო ღირებულების 5% და მიმწოდებელი ვერ განახორციელებს მომსახურების გაწევას, და/ან არ გამოასწორებს აღმოჩენილ ხარვეზს (ასეთის არსებობის შემთხვევაში), შემსყიდველს უფლება აქვს სახელმწიფო და საზოგადოებრივი ინტერესებიდან გამომდინარე შეწყვიტოს წინამდებარე ხელშეკრულება და ხელშეკრულების არაჯეროვანი შესრულებისათვის მიმწოდებელი დააჯარიმოს ხელშეკრულების ღირებულების 10%-ის ოდენობით.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაცოდების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

11.6. ამ მუხლის 11.5. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. სხვა დებულებები

14.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან, შედგენილია ქართულ ენაზე, 4 (ოთხი) თანაბარი იურიდიული ძალის მქონე ეგზემპლარად, აქედან 1 (ერთი) ეგზემპლარი გადაეცემა მიმწოდებელს, ხოლო 3 (სამი) - შემსყიდველს.

14.2. შემსყიდველის მიერ მიმწოდებლისათვის გაგზავნილი წერილობითი შეტყობინება ოფიციალურად მიღებულად ჩაითვლება ამ დოკუმენტის თავში ფიქსირებულ მიმწოდებლის ელ-ფოსტაზე გაგზავნის მომენტიდან.



„მიმწოდებელი“

შპს „YOUR CENTER“-ის
დირექტორი



ავტოსატრანსპორტო საშუალებების მარკა/მოდელი	
1	DAF XF 380-480 დიზელი 1997-1998
2	GAZ 53 1988
3	MOD 810210 MOD.AXLEMPY 461. MOD KOEGEL. MOD MAZ93971 MOD. SCHMITZ SPR24 .MOD.CT0062, HAPERT K270004 (მისაბმელი)
4	MERCEDES-BENZ 0303- ავტობუსი 1985-1990
5	SCANIA K113 ავტობუსი 1994 წ
6	IVECO MAGIRUS დიზელი 1984
7	MERCEDES BENZ 2531 ცისტერნა დიზელი
8	MERCEDES BENZ 1833 დიზელი
9	VOLVO FL 611 მაცივარი დიზელი
10	MAN OAF 7T MILGLW დიზელი 1976-1979
11	STEYR 12 M 18 დიზელი
12	MERCEDES BENZ AXOR 375.40
13	MERCEDES BENZ 1843 LS დიზელი
14	MERCEDES-BENZ 2124 სატვირთო მაცივარი 2009
15	ავტობუსი NEW SUPER AERO CITY 2012
16	VOLVO B12 1993
17	HYUNDAI ROBEX 170W-7A (გამოშვების წელი 2008)
18	SETRA S 213 UL (გამოშვების წელი 1989-1992)
19	CHEVROLET EXPRES (გამოშვების წელი 2004)
20	MERCEDES-BENZ 206
21	OTOKAR (დიზელი) (გამოშვების წელი 2006)
22	MERCEDES-BENZ 108 D - ავტობუსი 1984
23	kraz
24	გაზ 66
25	ვაზ 2121
26	ზილ 130-131
27	კამაზ 4310, 23118
28	კამაზ 4325, 4326, 43114-025-02
29	კამაზ 53212, 5511, 5320
30	კამაზ 43118, 43101
31	მაზ 540 / 5334 / 551600
32	უაზი
33	ურალი
34	ACKERMANN FRUEHAUF Z-KA-F, 2011
35	BMC 215, 2005, დიზელი,
36	MITSUBISHI CANTER, 2011
37	OPEL Vivaro, 2008, ბენზინი, 2
38	RENAULT Trafic, 2008, ბენზინი, 2
39	TOYOTA Coaster, 2008-2011, დიზელი, 4.2
40	FORD Transit, 1986, ბენზინი, 2.5
41	FORD Transit, 2002-2009, დიზელი, 2 / 2.4 / 2.5
42	FORD Transit, 2010-2011, დიზელი, 2 / 2.4 / 2.5

43	FORD Transit, 1991-2001, დიზელი - ბენზინი, 2 / 2.4 / 2.5
44	VOLKSWAGEN Crafter, 2010-2012 დიზელი, 2 / 2.5
45	VOLKSWAGEN Multiven, 2005, დიზელი, 2.5
46	VOLKSWAGEN Transporter, 2012 დიზელი, 2
47	MAN 15.280, 2001, დიზელი, 6.9
48	MAN 15192, 1985, დიზელი, 10
49	MAN 20320, 1979, დიზელი, 12
50	MAN 22240, 1985, დიზელი, 12
51	MAN TG410A, 2002, დიზელი, 12
52	MAN TGM 13-240, 2009, დიზელი
53	MAN 5TmilGL, 1977-1979, დიზელი - MAN OAF, 1977
54	MAN 16.370, 1994
55	MAN 26.463, 24.292, 26343, 1998
56	MERCEDES-BENZ 212 D, 1995, დიზელი, 2.7
57	MERCEDES-BENZ 312 D, 1995-1998, დიზელი, 2.9
58	MERCEDES-BENZ 403, 1996, დიზელი 2.5-3
59	MERCEDES-BENZ 413, 2004, დიზელი, 2.2
60	MERCEDES-BENZ 508D, 1989, დიზელი, 2
61	MERCEDES-BENZ 510, 1990 ბენზინი, 2.7
62	MERCEDES-BENZ 1017, 1979, დიზელი, 6.5
63	MERCEDES-BENZ 1017, 1989, დიზელი, 6.5
64	MERCEDES-BENZ Atego, 2002, დიზელი, 4.2
65	MERCEDES-BENZ Sprinter, 1996-2007, დიზელი, 2.2 / 2.7 / 2.8 / 2.9
66	MERCEDES-BENZ Sprinter, 2003-2007, ბენზინი 2.2 / 2.5 / 2.7 / 2.8
67	MERCEDES-BENZ UNIMOG, 1985-2000, დიზელი
68	MERCEDES-BENZ Viano, 2004-2007, ბენზინი-დიზელი, 2.2 / 3 / 3.2
69	MERCEDES-BENZ Vito, 1996-2009, დიზელი-ბენზინი, 2.2 / 2.3
70	MERCEDES-BENZ Vito, 1996-2006, დიზელი, 2.7
71	MERCEDES-BENZ 313, 311 CDI
72	MERCEDES-BENZ 0403
73	MERCEDES-BENZ ATEGO (ევაკუატორი), 1999, დიზელი
74	MERCEDES-BENZ ATEGO, 2000
75	MERCEDES-BENZ SPRINTER 1222, 1997
76	MERCEDES-BENZ 0303, 1990, დიზელი
77	MERCEDES-BENZ 0303, 1985-1989, დიზელი
78	MERCEDES-BENZ 375.30-952.30-952.50 (Toma), 2005-2012, დიზელი
79	MERCEDES-BENZ 609, 1996, დიზელი, 2.9
80	MERCEDES-BENZ Sprinter, 1994, ბენზინი, 2.3

"შემსყიდველი"

შპს ეკონომიკური დეპარტამენტის
დირექტორი



"მიმწოდებელი"

შპს "YOUR CENTER"-ის
დირექტორი

